



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի
օգնականների դասավանդման հմտությունների զարգացման
ապահովում» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ ՀՀ Լոռու մարզի « Բազումի միջնակարգ դպրոց» ՊՈԱԿ

Թեմա՝ «Ազգային արժեհամակարգի ձևավորումը և սերմանումը
«Սասնա ծռեր» էպոսը ուսուցանելիս »

Վերապատրաստող, մենթոր՝ Սոնա Եղիազարյան

Ուսուցիչ՝ Զարինե Ամիրյան

Վանաձոր 2023

ԲՈՎԱՆԴԱԿՈՒԹՅՈՒՆ

1. <i>Ներածություն</i>	3
2. <i>Ազգային արժեհամակարգի ձևավորումը և սերմանումը «Մասնա ծռեր» էպոսը ուսուցանելիս</i>	5
3. <i>«Մասունցի Դավիթ» էպոսի գաղափարական բովանդակության ուսուցումը միջնակարգ դպրոցում</i>	10
4. <i>Օրվա դասի պլան</i>	12
5. <i>Եզրակացություն</i>	18
6. <i>Օգտագործված գրականության ցանկ</i>	20

ՆԵՐԱԾՈՒԹՅՈՒՆ

Ժամանակակից աշխարհում տեղի ունեցող ժողովրդավարական, քաղաքական, հասարակական, մշակութային, տնտեսական մի շարք իրադարձություններով պայմանավորված՝ փոխվում են հասարակության զարգացման հիմքում ընկած կարևոր համակարգեր և ոլորտներ: Մարդկության ձարգացման նոր միտումները հանգեցնում են անձի արժեքային համակարգի, վերաբերմունքի, վարքագծի, աշխարհընկալման փոփոխությունների: Սովորողների արժեքային համակարգի ձևավորումը ուղղակիորեն կապված է հասարակության մեջ տեղի ունեցող բազմաթիվ փոփոխություններով: Արժեհամակարգը մարդու բարոյական, գեղագիտական, հոգևոր, իմացական, մշակութային և էթնիկական արժեքների համախումբն է, որը հիմնվում է ազգային արժեքների և բարոյական ընկալումների հիման վրա: Նորագույն, օր օրի զարգացող տեխնոլոգիաները, ծրագրերը, կրթական համակարգում տեղի ունեցող փոփոխություններն ու նորարարությունները թելադրում են նորովի մոտեցում յուրաքանչյուր աշակերտի: Անհրաժեշտ է գիտակցել, որ դպրոցի նպատակը կիրթ, մարդասեր, ազգային և հոգևոր արժեքներով հարուստ, ակտիվ, բարձր բարոյականության տեր, իր հայրենիքը սիրող մարդու դաստիարակությունն է: Ազգային արժեքների ձևավորման գործում մեծ է հատկապես «Հայ գրականություն» առարկայի դերն ու նշանակությունը: Գրական ստեղծագործությունների և բազմաթիվ գրական կերպարների միջոցով աշակերտների հոգում ձևավորվում և սերմանվում են ազգային արժեքներ և որակներ:

Թեմայի արդիականությունը՝ հայ ժողովուրդը դարերի ընթացքում ստեղծել է բազմաթիվ բանահյուսական գրվածքներ, որոնց մեջ ամենաերևելին «Սասունցի Դավիթ» էպոսն է: Էպոսի դարավոր պատմությունը փաստում է, թե ինչպես է բանահյուսական այդ գլուխգործոցը դարեր ի վեր ոգեշնչել հայ ժողովրդին, պարուրել նրա միտքն ու հոգին, հասել մինչև մեր ժամանակներն ու այսօր էլ իր գաղափարներով և արժեհամակարգով խիստ այժմեական: Վերլուծելով էպոսի հերոսների արարքներն ու հասարակական վարքը, արտացոլելով նրանց գլխավոր հատկանիշները՝ ազատատենչություն, հայրենասիրություն, մարդասիրություն, զգացմունքայնություն,

մարդկային մի շարք բարոյական արժեքներ, ընդգծել ենք էպոսի ոչ միայն ազգային, այլև՝ համամարդկային էությունը: Սասնա հերոսները քաջ են, ազատատենչ, հերոսական, վեհանձն, բռնության դեմ՝ անզիջում, լավի դեմ՝ անսահման բարի ու սրտակից, մանկական մաքուր պարզությամբ, բայց ոչ՝ պարզունակությամբ: Տարբեր իրավիճակներում հերոս- դյուցազունները չեն կորցնում իրենց մարդկային բարձր առաքինություններն ու բարոյական արժեքները:

Նպատակը և խնդիրները. Աշխատանքի նպատակն է ուսումնասիրել «Սասնա ծռեր» դյուցազներգության ուսուցումը ավանդական և ժամանակակից մեթոդներով, աշակերտների մեջ ձևավորել և ամրապնդել ազգային արժեհամակարգը, ուսումնասիրել հերոսների նկարագիրը , տալ էպոսի բնութագիրը, վեր հանել ազգային և համամարդկային ներուժն ու գաղափարը: Նշված նպատակին հասնելու համար աշխատանքում առաջադրվել և լուծվել են հետևյալ խնդիրները.

✓ Ուսումնասիրել «Սասնա ծռեր» դյուցազներգության բովանդակությունը և նրանց ուսուցման առանձնահատկությունները դպրոցում:

- ✓ Պարզաբանել էպոսի ընդհանուր բնութագիրը և ուսուցման կարևորությունը;
- ✓ Ներկայացնել էպոսի ավանդական և ժամանակակից ուսուցման

առանձնահատկությունները:

- ✓ Ներկայացնել էպոսի հերոսների բնութագիրը, նրանց կարևորությունը և

առանձնահատկությունները:

- ✓ Ներկայացնել դասի պլանի տեսքով:

Վարկածը. Ենթադրվում է , որ նպատակների միջոցով ազգային էպոսի ուսումնասիրությունը, հերոսների գործողությունները և մղումները աշակերտների մեջ կսերմանեն և կձևավորեն ազգային արժեքներ՝ ազգային մտածելակերպ, հոգևոր ավանդույթների պահպանում, գեղագիտական ընկալումներ, մշակութային արժեքների ամրապնդում և արժևորում, մի շարք բարոյական ընկալումներ՝ հայրենասիրություն, քաջություն, արդարություն, ազատատենչություն, մարդկանց կարեկից լինելու պատրաստակամություն:

Ազգային արժեհամակարգի ձևավորումը և սերմանումը «Մասնա ծոեր» էպոսը ուսուցանելիս

«Ազգային արժեհամակարգը ապրեցնում է ազգը»

Զ. Ամիրջյան

Ազգային արժեհամակարգի դրսևորումը և արտացոլումը «Մասունցի Դավիթ» էպոսում

Հայ ժողովրդական բանահյուսության յուրահատուկ և անկրկնելի գանձն է «Մասնա ծոեր» էպոսը, որն իր երրորդ ճյուղի գլխավոր հերոսի անունով կոչվում է նաև «Մասունցի Դավիթ»: Այն արտացոլում է Հայաստանում մոտ երկու հարյուր հիսուն տարի տևած արաբական բռնատիրության ժամանակաշրջանը: Էպոսի ընդգրկած ժամանակահատվածը VII-X դարերն են: Սակայն էպոսի պատմումների ստեղծումը կապվում է ավելի ուշ ժամանակների հետ: Դյուցազնավեպը արտացոլում է հայ ժողովրդի ազգային նվիրական իդեերն ու երազանքները, բնավորությունը, աշխարհընկալումը և հոգեկերտվածքը; Այն, հյուսվելով ժողովրդի կողմից, ներկայացրել է հայ ժողովրդի լավագույն ձգտումները, ամենանվիրականն ու երանելին: Սա հաստատվել է ստեղծագործության հազարամյա կենսունակությամբ: Շատ գեղեցիկ է նկարագրում մեծանուն ակադեմիկոս Հովսեփ Օրբելին հայ ժողովրդական էպոսի ստեղծումը՝ այն համեմատելով մարգարտի ստեղծման հետ. «Քանի դեռ խեցու մեջ աննշանավազահատիկի ձևով կողմնակի մարմին չի ներթափանցել, քանի դեռ կենդանին չի հիվանդացել, և նրա վրա չի գոյացել չնչին աչքի համար անտեսանելի կրաշերտ, ոչ մի մարգարտի մասին խոսք լինել չի կարող: Այնուհետև ելուստի շուրջը շերտավորվում է աղերի ազդեցության տակ գոյացած նստվածքները, և ի վերջո ստացվում է սքանչելի մարգարիտ, որը հետագայում կարող ենք նայել ու հիանալ»: Իսկապես, ինչպես խեցու մեջ մարգարիտ է գոյանում, այնպես էլ հյուսվել է հայ ազգային էպոսը: Հիմքում թեթև աննշան թվացող մի կորիզ է, սակայն, այն, իր վրա նորանոր շերտեր ընդունելով, վերածվել է մի չքնաղ մարգարտի, որն իր անջնջելի հետքն է թողել ու թողնում սերունդների վրա՝ արժանի տեղ գրավելով համաշխարհային գրական մեծ օվկիանում:

Այն ոչ միայն ազգային կենդանի նկարագիր է, այլև համամարդկային կենսական իրավունքի պաշտպանության լավագույն օրինակ»:

«Ամեն ժողովրդի էպոս տվյալ ազգի անձագիրն է, նրանով նա իրավունք ունի ներկայանալու աշխարհին», - գրում է բանասիրական գիտությունների դոկտոր պրոֆեսոր Աելիտա Դուլուխանյանը: Հայ ժողովրդական էպոսն արտացոլում է ժողովրդի կյանքը, վարքն ու բարքը, արտաքին ու ներքին կեղեքիչների դեմ մղված պայքարը, ինչպես նաև պատերազմի ու խաղաղության, ստեղծագործ աշխատանքի ու բարեկամության ժողովրդական ըմբռնումը: Ֆրանսիացի մեծ հայագետ Ֆրեդերիկ Ֆեյդին «Սասունցի Դավիթ» էպոսի ֆրանսերեն թարգմանության իր նախաբանում առանձնացնում է պատմական այն շերտերը, որոնք և կազմել են էպոսի ժամանակային հիմքը. «Նրանում կան հայերի պայքարը արաբական խալիֆաթի և Եգիպտոսի մելիքների դեմ, արտացոլված են հարաբերությունները խաչակիրների և բյուզանդական կայսրերի հետ»:

Էպոսի մի շարք պատումների համաձայն՝ մեր ժողովրդի վրա հարձակվել են աշխարհի բոլոր կողմերում եղած արյունարբու ցեղերը, որոնց քանակի անսահմանությունն էպոսում միշտ արտահայտվել է ծովի ավազի և երկնքի աստղերի պատկերավոր համեմատությամբ:

Հայ ժողովուրդը դարերի ընթացքում ենթարկվել է ոչ միայն ֆիզիկական, այլև տնտեսական, իրավական, քաղաքական, բարոյական ծանր ճնշումների: Էպոսի բացառիկ արժեքներից են նրանում արտահայտված ազգային կարևորագույն հատկանիշներն ու հայոց արժեհամակարգի տարրերը՝ հայրենասիրությունը, ազատատենչությունը և մարդասիրությունը, կրակոտ բնավորությունն ու գերբնական ուժը:

Ազատության ձգտումը դրսևորվում է էպոսի սկզբից մինչև վերջ: Ի վերջո՝ էպոսը կյանք է առել հայ ժողովրդի ազատագրական պայքարի բովում: Հայրենասիրությամբ, ազատատենչությամբ, գերբնական ուժով նրանք պայքարում են ժողովրդի անկախության ու ազատության, մարդկանց համար խաղաղ ու երջանիկ կյանք ստեղծելու, ստեղծագործ աշխատանքով զբաղվելու համար: Էպոսի առաջին էջերից

հորդում է հայրենասիրությունն ու մեծ մարդասիրությունը, որի կրողը հայ կինն է՝ Ծովինարը՝ հայոց Գագիկ թագավորի դուստրը:

Արաբական խալիֆը հարկի դիմաց պահանջում է, որ Գագիկ արքան կնության տա դստերը և զգուշացնում, որ մերժման դեպքում կավերի Հայաստանը: Հակառակ հոր ցանկության՝ Ծովինարը մտածելով ժողովրդի մասին՝ վճռում է իր անձը զոհել հանուն ընդհանուրին գնալ Բաղդադի խալիֆի մոտ:

Ծովինարի այս արարքը ոչ միայն հայրենասիրության դրսևորում էր, այլ նաև՝ անձնագոհության վառ օրինակ: Ժողովուրդն անսահման հայրենասիրությամբ է օժտել էպոսի բոլոր հերոսներին՝ լինի կին, թե՛ տղամարդ: Հայրենասիրության արմատից էլ ծնվել են այս դյուցազունները: Ծովինարի անձնագոհությունը ոչ միայն հայ ժողովրդի փրկության համար է, այլև՝ հայրենի հողի ու ջրի, որից էլ ծնվում են երկվորյակ եղբայրները՝ Սանասարն ու Բաղդասարը: Ջուրն էպոսում, որպես բնության կենարար տարերք՝ հավերժության խորհրդանիշ է: Սա ցույց է տալիս և՛ հայ ժողովրդի, և՛ հայրենի հողի հավերժությունը: Այդ հավերժությունը պահելու և պահպանելու համար են մարտնչում Սասնա հերոսները, որոնց ժողովուրդն օժտել է գեղեցիկ, վեհ և գերբնական զօերով: Էպոսի հերոսների հետ մեկտեղ հանդես է գալիս հենց բուն ժողովուրդը՝ իր գրեթե բոլոր շերտերի ներկայացուցիչներով:

Էպոսում արաբական բռնակալության դեմ կռվում են Սասնա չորս սերունդ դյուցազունները՝ Սանասարն ու Բաղդասարը, Մեծ Մհերը, Դավիթն ու Փոքր Մհերը: Նրանք բոլորն էլ տարված են ազատ ապրելու գաղափարով: Պայքարելով արաբ խալիֆայի դեմ՝ դյուցազունները հաջորդաբար ջարդում են նրա ուժերը: Բայց հենց որ մի սերունդը մահանում է, ռազմատենչ թշնամին նոր ուժեր է հավաքում ու կոտորածով մտնում Սասնա տուն ու հարկ պահանջում: Ազատագրական պայքարի ոգին միշտ վառ է մնում էպոսում: Էպոսում ազգանվեր ու հայրենասիրական գործեր կատարում են թե՛ Սանասարն ու Բաղդասարը, թե՛ Մեծ Մհերը, թե՛ Սասունցի Դավիթը, թե՛ Փոքր Մհերը: Էպոսի գլխավոր նպատակներից մեկն էլ մարդասիրության դաստիարակումն է: Առաջին ճյուղում արդեն Սասունում հաստատված Սանասարն ու Բաղդասարը սկսում են կառուցել իրենց բերդը: Բայց սկզբում կացարաններ են պատրաստում աշխատավոր մարդկանց համար: Այդ քայլի նպատակը մարդասիրական է: Էպոսում կա աշխատավոր

մարդու նկատմամբ հատուկ պաշտամունք, և Սասնա դյուցազուններն ապրում են այդ գիտակցությամբ: Կյանքի ու մահվան այս թոհուրոհում ժողովուրդը չի մոռանում ստեղծարար աշխատանքի մասին, հակառակը, պայքարում է համաժողովրդական խաղաղ աշխատանքի համար; Դյուցազուն եղբայրների կառուցած Սասնա բերդը դառնում է ազատ, հզոր, անհաղթ Հայաստանի խորհրդանիշը: Բովանդակ ազատության ձգտող ժողովուրդը, համոզված է, որ իր երագած բովանդակ ազատությանը կհասնի միայն նոր կառուցած տանը:

Ժողովուրդն իր դարավոր երագանքներն իրականացնողներին օժտում է գերբնական ուժով, նա հասարակ մարդուն անզոր է համարում դիմակայելու, իր գլխից մութ ամպերը վանելու համար: Հզոր, կատաղի թշնամու դեմ մահացու կռիվ մղելու համար ժողովրդին հարկավոր են դիցական հերոսներ՝ ջրածին քաջեր, ովքեր օժտված են անսահման բարի ու խիզախ սրտով: Կենարար ջրից են հզորանում հերոսները:

Հովսեփ Օրբելին գրում է. «Այս չորս հերոսների անունները ժողովրդի հիշողության մեջ չեն աղարտվել ու խճողվել ոչ մի տիտղոսով կամ պատվավոր կոչումով»: Օժտված լինելով բարոյական բարձր հատկանիշներով՝ Սանասարն ու Բաղդասարն իրենց պարտքն են համարում մարտնչել հանուն հայ ժողովրդի ազատության ու հետագա գոյության:

Այնուամենայնիվ, հայ ժողովուրդը մեծ բարեսրտությամբ ու հստակությամբ է կերտել իր թե՛ դրական, թե՛ երգիծական, և թե՛ բացասական հերոսներին», - գրում է Ֆ. Ֆեյդին: Սանասարի մահից հետո Սասունը դառնում է հարկատու Մսրա Մելիքին: Հայ ժողովուրդը ստիպված է լինում պայքարել և արտաքին և ներքին թշնամու դեմ: Այս ճյուղում նույնպես տեսնում ենք անձնագոհ և իր հայրենիքը սիրող հայ կնոջ կերպարը: Մհերի կինը՝ Արմաղանը, մի կողմ դնելով կանացի ինքնասիրությունն ու վիրավորանքը, ներում է ամուսնուն, որն իր երդման համաձայն գնացել էր Մըսր: Եվ Սասնա ճրագը վառ պահելու համար դրժում է իր ուխտը և որդի ծնում: Չնայած նրան, որ ամուսինները գիտեին՝ իրենց ինչ է սպասում, միևնույն է՝ զոհում են իրենց: Դավթի ծննդյան դրվագից ոչ միայն անձնագոհություն, այլև հայոց տունը շեն պահելու և հայրենիքի հանդեպ մեծ սեր է հորդում: Նրա կյանքն էպոսում պատկերված է ծննդյան օրից մինչև մահը: Նա Սասնա

դյուցագունների մեջ ամենահմայիչն է, ամենատեսանելին, կյանքով լին ու ամենագեղեցիկը: Ծնված պահից արդեն որբացած Դավիթն իր մանկությունն անց է կացնում օտարության մեջ՝ Մսրում: Սակայն սնվում ու մեծանում է միայն Սասունից բերված կարագով ու մեղրով: Սա հայրենի եզերքի հետ մարդու ոչ գիտակցված, բայց ամուր կապն է: Ուժի կողքին Դավիթն ունի բնավորության մի կարևոր և ուշագրավ գիծ ևս՝ ազատատենչ է, չի հանդուրժում բռնությունը և ոչ մի կերպ չի հնազանդվում Մսրա Մելիքին: Երբ նրան զոռով ուզում են անցկացնել Մելիքի թրի տակով, նա նետվում է մի կողմ, ճկույթը դիպչում է քարին և «քարեն կրակ էլավ»:

Դավիթը պետք է տնօրինի ազգի ներկայի ու ապագայի սրբազան գործը, նա հաջորդն է իր հոր՝ Մեծ Մհերի»,- գրում է Ա. Դուլուխանյանը: Մսրա Մելիքի կերպարում խտացված են բոլոր ժամանակների հարստահարիչներն ու բռնակալները: Նա չի բավարարվում միայն ժողովրդի ունեցվածքը հափշտակելով, մարդկանց գերեվարելով: Նա փորձում է գրավել Սասունն ու ստրկացնել ժողովրդին: Դավիթն, էլ լինելով ժողովրդի մի մասնիկը և ունենալով ժողովրդի հուժկու ուժը, պայքարում է բոլոր ժամանակների մարամելիքների դեմ: Այս մասին գրում է Հովսեփ Օրբելին. «Մեզ համար Սասնա հերոսները թանկ են մի շարք պատճառներով: Ամենից առաջ նրանք թանկ են ժողովրդի հետ ունեցած իրենց միասնության գիտակցությամբ, այն ժողովրդի, որի զավակներն են իրենք»:

Դավթի մեջ արթնանում է ազգի առաջնորդի ոգին ու նա սկսում է անձնագոհաբար և մեծ նվիրումով ծառայել հայրենիքին: Գրիգոր Գրիգորյանը գրում է. «Մերկացրած Թուր Կեծակին ձեռքում Մսրա Մելիքի դեմ դուրս գալով Դավիթը, դաժան կովում սպանում է նրան և ժողովրդին ազատագրում ֆիզիկական բնաջնջումից: Դավթի հետ է ողջ Սասնա ժողովուրդը՝ սկսած Ձենով Հովանից, վերջացրած՝ արտատեր աղքատ կնոջով: Դավթին խրատող և ամեն անգամ Սասունին սպառնացող վտանգի մասին ահազանգող պառավ կինը՝ Դավթի բոլոր գործողություններին որոշակի ընթացք տվող և նրան օգնող ժողովուրդն է, որը ուժ է ներշնչում հայրենի հողի պաշտպանության համար»: Սա ապացուցում է այն, որ Դավիթը ժողովրդի հավաքական միասնության մարմնավորումն է: Ժողովուրդը նրան օժտել է ամենաազնիվ ու մարդկային բարձր արժանիքներով:

Խոսում ենք Դավթի բացառիկ մարդկային նկարագրից, հայրենասիրությունից և անձնագոհությունից, ուշագրավ է, որ ժողովուրդը կերտել է Դավթին համապատասխան նաև նրա սիրեցյալին՝ Խանդութին: Խանդութի այն խոսքը, թե «առյուծն առյուծ է, էգ լինի, թե որձ», էպոսի հերոսների կանանց՝ հայրենասիրության, անձնագոհության, ամուսնու հանդեպ անսահման սիրո ու հարգանքի, նվիրվածության խտացումն է: Հերոսուհիները գեղեցիկ են, քաջ, հայրենասեր, խոհեմ, զգայուն ու պարկեշտ ,միշտ պատրաստ են զոհելու իրենց կյանքը հայրենիքի, ընտանիքի ու զավակների համար: Ինչպես դրուցագունները, այնպես էլ նրանց կանայք օժտված են արտակարգ գեղեցկությամբ և հմայքով:

Էպոսը մնայուն պատմական հուշարձան է, որը սերունդներին սերմանում է ազգային արժեքային համակարգ և բարոյական մեծագույն արժեքներ, ինչպիսիք են հայրենասիրությունը, ազատատենչությունը, բարությունը, ստեղծագործ աշխատանքը և սերը դեպի մարդ արարածը: Այն սովորեցնում է նաև ունենալ անկախ հայրենիք և ամենակարևորը՝ խաղաղ գոյակցել աշխարհի ժողովուրդների հետ: Ֆրեդերիկ Ֆեյդին հայ ազգային էպոսը համարել է աշխարհի ամենախաղաղասեր էպոսը :

«ՄԱՍՈՒՆՑԻ ԴԱՎԻԹ» ԷՊՈՍԻ ԳԱՂԱՓԱՐԱԿԱՆ ԲՈՎԱՆԴԱԿՈՒԹՅԱՆ

ՈՒՍՈՒՑՈՒՄԸ ՄԻՋՆԱԿԱՐԳ ԴՊՐՈՑՈՒՄ

Ուսումնական գործընթացում պետք է առավել կարևորել և շեշտադրել մարդկային ու բարոյական արժեքները՝ դրանք շաղախելով մեր օրերում ձևավորվող ու հաստատվող արժեքային համակարգի հետ: Ի վերջո՝ գրականության ուսուցումն ունի ճանաչողական և դաստիարակչական նշանակություն, քանի որ գրական հերոսների օրինակով կրթում և դաստիարակում է սերունդների: Դաստիարակությունն ու կրթությունն առավել զարգացնելու համար ամեն ազգ պետք է ունենա հարուստ և արժեքավոր գրականություն: Մարդն իր գործով այնքան է, որքան գիտելիք ունի: Գրականության ուսումնասիրությունը սովորողին միայն չի ծանոթացնում գրական երևույթներին , այլ նաև ուղղորդում է դեպի ինքնաճանաչում, կատարելագործում, ինքնադրսևորում: Այն հզոր դաստիարակության միջոց է: Ազգային գրականությունը արդյունավետ միջոց է

բարոյական բարձր արժեքների ձևավորման գործում: Գրականության դասավանդման հիմնական նպատակներից է անձի արժեքային համակարգի ձևավորումը, որի իրականացման համար անհրաժեշտ է սովորողներին հայ ժողովրդի հոգևոր ժառանգությանը հաղորդակից դարձնել:

Այս դեպքում շատ կարևոր է մեթոդների ընտրությունը, դասարանի աշակերտների ընդունակությունների ճիշտ ճանաչումը: Եթե ուսուցիչը հասկանում է, թե գիտելիքների ինչ մակարդակի երեխաներից է կազմված դասարանը, ապա նա առավել ճիշտ մեթոդներով է իրականացնում իր առարկայի ուսուցումը: Ուսուցման արդյունավետության համար անհրաժեշտ է ապահովել «զննականությունը»: Էպոսի նկատմամբ հետաքրքրությունը մեծ է հատկապես միջին դպրոցում: Նոր ծրագրով էպոսի ուսուցումը նախատեսված է իններորդ դասարանում, երբ աշակերտները, տարիքային առանձնահատկության հետ կապված, ավելի են հակված ինքնուրույնության և այս հանգամանքից անհրաժեշտ է օգտվել: Այսինքն՝ աշակերտը կարող է տպավորվել և դյուրությամբ յուրացնել ու իմաստավորել էպոսի գաղափարները՝ դրանք կապելով ժամանակակից իրականության հետ: Դասարանը կահավորում ենք էպոսի թեմաներով ստեղծված նյութերով՝ Հ.Կոջոյանի նկարների, Հր.Քոչարի «Սասունցի Դավիթ» արձանի վերատպությունները, գրքեր (էպոսի տարբեր հրատարակություններ, գրական մշակումներ՝ Թումանյանի «Սասունցի Դավիթ»-ը, Իսահակյանի «Սասնա Մհեր»-ը, Չարենցի «Սասունցի Դավիթ»-ը, Հ.Օշականի «Սասունցի Դավիթ թատերգությունը»): Պատերին փակցված պաստառներին մեծերի խոսքերն են էպոսի մասին: Օրինակ՝ «Ոչ մի բանի մեջ ժողովուրդներն այնքան պարզ ու պայծառ չեն երևում, որքան՝ էպոսում» (Հ. Թումանյան) : Մինչ էպոսի ուսումնասիրության ավարտը դասասենյակի՝ էպոսին հատկացված անկյունում ավելանում են աշակերտների՝ էպոսի թեմաներով արած

նկարները: «Սասնա ծոեր էպոսը հայ ցեղի ապրած կյանքի և հոգեկան կարողությունների հոյակապ գանձարանն ու իր մեծության անհերքելի վկայությունն է աշխարհի առջև» (Հ.Թումանյան): Էպոսի գաղափարական բովանդակությունն ուսումնասիրելիս խնդիր են դնում աշակերտների մեջ դաստիարակել այն ներկայացնող հիմնական տարրերը՝ ազնվություն, հայրենասիրություն, բարձր բարոյականություն: Աշխատում են զարգացնել

նրանց ազգային մտածողությունը, պետականության նկատմամբ ունեցած վերաբերմունքը: Ներկայացնում եմ նոր չափորոշիչներին համապատասխան՝ հանրակրթության պետական չափորոշի կետերով 5 քայլաշարով դասի օրվա պլան:

Դասի պլան^[1]

Ուսուցչի անունը՝ Ամիրյան Զարինե **Առարկան՝** Գրականություն
Դասարանը՝ 9-րդ **Ամիս, ամսաթիվ՝** **Դասի տևողությունը՝** 45րոպե

Նոր դասի թեման՝ «Սասունցի Դավիթ» էպոսի բնութագիրը

Անցած դասի թեման՝ «Սասունցի Դավիթ» էպոսի ժանրի բնորոշումը

Դասի նպատակը՝ էպոսի՝ որպես ժողովրդի հավաքական մտածողության արտահայտության

ճանաչում:

1. էպոսի գաղափարախոսության, հայ ժողովրդին հատուկ բարոյական արժեքների ընկալում և գնահատում, սերմանում;
2. էպոսի պատկերային համակարգում բարբառի, ժողովրդախոսակցական լեզվի դրսևորումներն ընկալելու, մեկնաբանելու կարողություն:
3. Ինքնուրույն դատողություններ անելու կարողության զարգացում:

Վերջնարդյունքներ՝ Կիմանա՝ էպոսի բովանդակությունը, էպոսի ժանրայինն առանձնահատկությունները և պատումները, կերպարները, նրանց բնութագրերը, գլխավոր գաղափարը՝ ազատատենչություն, հայրենիքը պահելու, պահպանելու պատրաստակամություն: էպոսը որպես ժողովրդի հավաքական մտածողության և հոգեկերտվածքի արտահայտություն:

Անհրաժեշտ նյութեր և սարքավորումներ: **Ուսուցչի օժանդակ ռեսուրսներ** *տեսաձայնային և թվային միջոցներ* . Հ.Կոջոյանի նկարների, Հր.Քոչարի «Սասունցի Դավիթ» արձանի վերատպությունները, գրքեր (էպոսի տարբեր հրատարակություններ, գրական մշակումներ՝ Թումանյանի «Սասունցի Դավիթ»-ը, Իսահակյանի «Սասնա Մհեր»-ը, Զարենցի «Սասունցի Դավիթ»-ը, Հ.Օջականի «Սասունցի Դավիթ թատերգությունը»), պաստառներ, նկարներ:

Միջառարկայական կապ՝ պատմություն, աշխարհագրություն . մաթեմատիկա:

Մեթոդներ՝ հարց ու պատասխան, մտազրոհ, դասախոսություն, T –աձև աղյուսակ:

Դասի ընթացքը .

Քայլ 1. Դասի սկիզբ / խթանում/ / 5-7 րոպե /Ի՞նչ են սովորել աշակերտները: Ինչո՞ւ է դա կարևոր: Ինչպե՞ս է դա կապվում նախկին գիտելիքի հետ : Բնութագրում են էպոսի ժանրը, առանձնահատկությունները, թվարկում են այլ ժողովուրդների էպոսներ :

Հարց ու պատասխանով՝ . 1. Ի՞նչ է էպոսը:


2. Ինչպե՞ս է կոչվում մեր ազգային էպոսը:

3. Քանի՞ ձյուղից է կազմված այն:

4. Ի՞նչ հերոսներ եք հիշում էպոսից:

5. Ի՞նչ պատմամշակութային հուշարձան գիտեք էպոսի հետ կապված:

Ուսուցչուհին գրատախտակին գրում է բանալի բառ՝ էպոս ; Աշակերտները հնչեցնում են պատասխաններ և գրում բանալի բառի շուրջօրրը:



Քայլ 2. Նոր նյութի ներկայացում: / 15-20 րոպե /Ի՞նչ է սովորելու աշակերտը:

Ինչո՞ւ են սովորում այդ նյութը: Որո՞նք են ներկայացվող նյութի կարևոր դրույթները:

Ուսուցիչը դասախոսությամբ ներկայացնում է է էպոսի ընդհանուր բնութագիրը, գրի

առնողներին, պատմական հիմքը, կառուցվածքը, արտահայտած գաղափարները, հերոսներին:

✓ Էպոսը նախ և առաջ ներկայացնում է որպես հայ ժողովրդի հավաքական մտածողության և հոգեկերտվածքի արտահայտություն: Ուսուցչուհին խոսում է այն մասին, որ «Մասնա ծոեր» էպոսի մեջ հրաշալիորեն արտահայտված են հայ ժողովրդի բնավորության շատ գծեր՝ ազատատենչություն, հայրենասիրություն, քաջություն, ներողամտություն, բարություն, մարդասիրություն; Հիասքանչ են բոլոր կերպարները, որոնց մեջ առանձնանում է հատկապես Դավթի կերպարը: Էպոսը պատմական և առասպելական իրողությունների զուգադրություն է:

✓ Ուշագրավ է դյուցազներգության լեզուն՝ գործողություններով հարուստ պատմողական խոսք, ժողովրդական մտածողությանը բնորոշ չափազանցություններ, կենդանի բարբառային խոսք և հյութեղություն, երգվող հատվածներ և այլն: Անհրաժեշտ է նշել, որ «Մասնա ծոեր» էպոսը հայտնի է Մշո, Մոկաց և Սասունի բարբառներով: Էպոսի պատմական հիմքը 8-10-րդ դարերն են, երբ հայ ժողովուրդը հեծում էր արաբական լծի ներքո, ազատագրական պայքար էր մղում՝ վերականգնելու իր անկախությունն ու պետական ինքնուրույնությունը: Էպոսը բաղկացած է չորս ճյուղից՝ «Մանասար և Բաղդասար», «Մեծ Մհեր», «Սասունցի Դավիթ», «Փոքր Մհեր»: Ամեն ճյուղ սկսվում է ժողովրդի բառ ու բանը ներկայացնող օրհնանքներով, որոնք հող են նախապատրաստում են ճյուղի բովանդակության համար; Քաջ և հայրենասեր հերոսներին ժողովուրդը տալիս է քառսուն կամ հազար օղորմի, իսկ բացասականներին, օրինակ՝ Մելիքին ու Չմշկիկ Սուլթանին չի տալիս օղորմի:

✓ Էպոսի մասին 16-րդ դարում առաջին անգամ գրառում են արել պորտուգալացի ճանապարհորդները: 1874 թ. Գարեգին Սրվանձտյանցը հրատարակում է «Սասունցի Դավիթ կամ Մհերի դուռ» վերնագրով՝ Մուշի բարբառով առաջին պատումը: Պատումը պատմողները ժողովրդական մարդիկ էին, որոնց ասում էին ասացող: Տարբեր ասացողների կողմից պատմվելով՝ էպոսի առանձին ճյուղերը փոխվում են և դառնում առանձին տարբերակներ, որոնք կոչվում են պատումներ: 1939թ. Էպոսի հազարամյակի կապակցությամբ 60 պատումների հիման վրա ստեղծվում է համահավաք բնագիր՝ «Սասունցի Դավիթ» վերնագրով: Գրքի խմբագիրն էր Հովսեփ Օրբելին,

իրականացնողները՝ Մանուկ Աբեղյանը, Գևորգ Աբովը և Արամ Ղանալանյանը: Էպոսը բարձր են գնահատել ոչ միայն հայ, այլև օտարազգի շատ ուսումնասիրողներ:

Քայլ 3.Ուղղորդված գործնական աշխատանք:/7-15րոպե/ *Ի՞նչ հնարավորություն է տրվում աշակերտներին համագործակցված աշխատելու, ուսուցչի ուղղորդմամբ կատարելու գործնական աշխատանք տրված նյութի վերաբերյալ:*

Խոսելով էպոսում արտահայտված ազգային արժեքների և գաղափարների մասին, վերլուծելով հերոսների արաքներն ու հասարակական վարքը՝ ուսուցիչը աշակերտներին ուղղորդում է խորհելու այդ գաղափարների և բարոյական արժեքների արդիականության մասին: Ուսուցիչը դասարանը բաժանում է խմբերի և նրանց բաժանում թղթեր, որոնց վրա գրված են նախապես էպոսից դուրս բերված հատվածներ: Դրանք հատուկ ընտրված հատվածներ են, որոնցում ցայտուն երևում են էպոսի հերոսների բնավորության կարևոր և ուշագրավ գծերը:

Առաջին խումբը, կարդալով հատվածը, պետք է ցույց տա, թե ինչ գաղափար է արտացոլված նրանում, առանձնացնում այն նախադասությունը, որը ցույց է տալիս ժողովուրդների վերաբերմունքը պատերազմների նկատմամբ:

Աղքատ ու խիղճ մարդ են էդոնք.

Որը իր մոր մեկուճարն է,

Որը նոր պսակված տղա,

Որը իր օջախի սունն է,

Որը հանգած մի տան ճրագ:

Երկրորդ խումբը, կարդալով հատվածը, պետք է առանձնացնի այն նախադասությունները, որոնցում երևում է Դավթի միամտությունը և մեկնաբանի:

Բերին, զԴավիթ դրին սեղանի մոտ.

Ոսկին մի կողք լցրին, կրակ մի կողք:

Դրին Դավթի առջև, ասին.

-Դավի՛թ, ա՛ռ, ա՛ռ, ո՞ր մեկ կուզես:

Դավիթ իր ձեռ պարզեց ոսկուն,

Հրեշտակ ձեռնեն բռնեց, տարավ դեհ կրակ:

Իր մատ որ կրակին կըպավ, կրակ կպավ մատին.

Մատ էրելով՝ տարավ բերան, լեզուն էլ էրեց:

Երրորդ խումբը պետք է կարդա հատվածը և մեկնաբանի, թե ինչ գաղափար է այն արտահայտում:

Մանասար ասաց Բաղդասարին.

-Առաջ զմեր բե՛րդ շինենք,

Թե չե՛՝ զեղա աղքատ-ուղքատի տներ:

Բաղդասար պատասխանեց.

-Առաջ շինենք զեղոնց տներ,

Ու նոր շինենք զմեր բերդ.

Էդ իսեղճ մարդեր չեն կարնա

Արևուն առջև կենա:

Չորրորդ խումբը, կարդալով հատվածը, փորձում է մեկնաբանել Դավթի արարքը:

Գնաց, էլավ Լեռա սարի գլուխ, կանչեց.— «Էհե՛յ*,

Ով քընած է՛ արթուն կացեք,

Ով արթուն է՛ ձիե՛ր թամբեք,

Ով թամբեր է՛ զենքե՛ր կապեք,

Ով կապեր է՛ էլե՛ք, հեծեք.

Չ՛ասեք Դավիթ գող գող էկավ,

Գող-գող գընաց»:

Հատվածների ընտրությունը ամփոփում էր էպոսում արտահայտված ազատաբաղձությունը, հայրենասիրությունը, ժողովուրդների խաղաղ գոյակցելու ցանկությունը, հայ ժողովրդի միամտությունը, մարդասիրությունն ու աշխատասիրությունը, ինչպես նաև ընդգծում, որ մեր ազգային էպոսը մեր ազգային նկարագիրն է:

Ուսուցիչը, հետևելով խմբերի աշխատանքին , հավանություն է տալիս, գնահատանքի խոսքեր ասում կամ հարկ եղած դեպքում բարելավման ուղիներ առաջարկում :

Քայլ 4. Ինքնուրույն աշխատանք / իմաստավորում/ / 3-5 թույլ /: *Ինչպե՞ս է ուսուցիչը հնարավորություն տալիս աշակերտներին ինքնուրույն աշխատելու: Ինչպե՞ս են աշակերտները ինքնուրույն կիրառում օրվա սովորածը:*

Ուսուցիչը թղթերի վրա ներկայացնում է հերոսների անունները, որոշ բնութագրիչ հատկանիշների հետ, իսկ աշակերտները պիտի կատարեն համապատասխանեցում: Ուսուցիչը հետևում է գործընթացին և գնահատում սովորողների աշխատանքները:

Քայլ 5. Դասի ավարտ / կշռադատում/: *Ամփոփվում են դասի կարևոր մասերը, տրվում են տնային առաջադրանքներ:*՝ Գիտեի, իմացա :

*/2-5 թույլ/*Գնահատում՝ _____ Ձևավորված կոմպետենցիաներ՝ 1.2. 5.

Տնային հանձնարարություն՝ Կազմել գլխավոր հերոսների տոհմաձառը, ավելացնել մյուս հերոսներին և ցույց տալ արյունակցական կապը:

ԵԶՐԱԿԱՑՈՒԹՅՈՒՆ

Մինչև օրս էլ չի մարել հետաքրքրությունը՝ մեր ազգային էպոսի հետ կապված: Այն իր խորունկ և համամարդկային գաղափարներով, ազգային արժեքներով շարունակում է իր հաղթարշավը՝ կրթելով և դաստիարակելով բազում սերունդների: Էպոսը մեր ինքնության արտահայտություններից մեկն է, հարուստ ներաշխարհի վառ ապացույցը: Իրականացնելով «Սասունցի Դավիթ» էպոսի գաղափարական բովանդակության ուսումնասիրություն՝ կատարում ենք հետևյալ եզրակացությունները, Հայկական հերոսական էպոսն ունի բացառիկ հարուստ գաղափարախոսություն:

«Սասունցի Դավիթ» էպոսի պատգամների միջոցով հայկական դպրոցներում կդաստիարակվեն ազգային ու համամարդկային ճիշտ գաղափարներով օժտված քաղաքացիներ:

- ✓ Հայ ազգային էպոսը, որպես մշակութային կոթող, ապահովում է իրպատվավոր և մնայուն տեղը հայերի մշակութային և հոգևոր կյանքում; Այս տեսանկյունից շատ կարևոր է մեր էպոսի գրաված առաջնային տեղը հայ մշակույթի մեջ , որով էլ առանձնանում ենք աշխարհի շատ ժողովուրդներից:

✓ Հազար տարի առաջ ստեղծված, դարեր շարունակ բանավոր գոյություն ունեցած մեր էպոսն առանց ճիշտ ընկալելու և գնահատելու դժվար թե կարողանանք ճիշտ ըմբռնել մեր ինքնությունը , ակունքները, իսկ մեր ինքնությունը հասկանալը և ճանաչելը շատ կարևոր է: Էպոսն անհրաժեշտ է մեր ինքնության պահպանման համար՝ մինչև անգամ մեր մշակույթը ձուլումից զերծ պահելու համար: Այսօր ապրում ենք բարդ ժամանակներում, երբ աշխարհը գնում է «համաշխարհայնացում» ասված չարիքին, որը միտված է ոչնչացնելու ամեն ազգայինն ու ավանդականը; Եվ այս բարդագույն մարտահրավերների ժամանակաշրջանում ու պայմաններում էպոսի ուսումնասիրությունն ու ճիշտ արժեքը հասկանալը կարևորագույն խնդիր է:

Այսքան դառնություն և արհավիրք տեսած ժողովուրդը կարողացավ պեղել հոգու գաղտնարանները և երկնեց ազնվական և դյուցազուն հերոսներ: Բարոյական չափանիշների և արժեքների պահպանման տեսակետից մեր էպոսը լավագույնն է:

Դավաճանության, նենգության, չարության ոչ մի նշույլ չկա Սասնա հերոսների մեջ: Ընդհակառակը՝ այնքան անաղարտություն և պարզություն կա նրանց կերպարներում: Սա զարմանալի է հատկապես այն առումով, որ միջնադարյան այդ ժամանակահատվածում տիրում էին թալանը, ավերը, կամայականությունները: Չունեինք պետականություն, երկիրը դարձել էր ասպատակությունների թատերաբեմ, բայց, այնուամենայնիվ, էպոսը պահպանեց իր բարոյական մաքրությունն ու ամրությունը: Միայն այն, որ հազար տարի է, ինչ էպոսը կենսունակ է ժողովրդի մեջ, արդեն մեծ հետաքրքրություն է առաջացնում էպոսագետների շրջանում: Հայ ազգային էպոսը հազար տարի ապրել է բանավոր խոսքում, չի մոռացվել, ընդհակառակը, ավելի է հղկվել և 19-րդ դարում նոր գրի է առնվել, բայց միեւնույն է՝ չի կորցրել իր դերն ու նշանակությունը, անսահման գրավչությունը:

✓ Ցանկացած էպիկական հուշարձան, եթե հիմքում առասպել չունի, այն էպիկական չէ և չնայած դրան, որքան էլ այն հարուստ առասպելական հիմք ունի, այն պատմություն է, խոսքի արվեստ: Էպոսը լայն ընդգրկում է ներկայացնում: Հետաքրքիր զուգահեռ է Ծովինարի անարատ հղիությունը Քրիստոսի ծննդյան հետ: Այս հետաքրքիր զուգահեռը պահանջում է հանգամանալից և ընդգրկուն քննություն:

✓ Այսպիսով՝ էպոսը դիտարկելով որպես հայ ժողովրդի ինքնության կնիք, բարձր գնահատելով նրանում արտահայտված համամարդկային գաղափարներն ու բարոյական արժեքները, ազգային մտածելակերպն ու նկարագիրը, անհրաժեշտ է հասկանալ, թե որքան կարևոր է այն ճանաչելն ու պահպանելը, նրա դերն ու նշանակությունը մեր կյանքում:

Գրականություն

1. Գասպարյան Դ., Գրականություն, 9-րդ դասարան, Տիգրան Մեծ հրատ., Երևան, 2018:
2. Գրիգորյան Գր., Հայ ժողովրդական հերոսական էպոսը, Հայկական ՄՍՌ ԳԱ հրատ., Երևան, 1960:
3. Դոլուխանյան Ա., Եվրոպացի հայագետներ Վ. Ֆրեդերիկ Ֆեյդին հայագետ, ԵՊՀ հրատ., Երևան, 2008:
4. Դոլուխանյան Ա., Հայ գրականության դասավանդման մեթոդիկա, Զանգակ հրատ., Երևան, 2006:
5. Դոլուխանյան Ա., Հայ գրականության պատմություն Հին և միջնադարյան գրականություն, Զանգակ հրատ., Երևան, 2006:
6. Սասունցի Դավիթ, Հայ ժողովրդական հերոսավեպ, Առաջաբանը, բառարանը և ծանոթագրությունները՝ Ս. Բ. Հարությունյանի, նկ. Հ. Կոչոյան, Լույս հրատ, Երևան, 1981: